

# Vun driveriver

---

erscheint auf [www.lenauheim.de](http://www.lenauheim.de)

monatliche  
Erscheinung

Juli 2022

von *Helen Alba*

## Summerowet

Vun der Hitz ganz mied un matt,  
sauft mer sich mit kiehlem Wasser satt.  
Ke Blatt am Baam, des wackle tut,  
es werd duschter, die Natur, sie ruht.

Die Sunn is unergang. De Mond, er steht  
am Himmel. Un de Michl drin sich dreht.  
Er traat sei Reisichbindl ufm Buckl, wart  
dass de Herrgott em e anri Lascht uftraat.

Die Gelse fange an zu steche, mer sich wehrt.  
E Kind noch schnell e Lekwarbrot verzehrt.  
Es heescht: de Tach is rum, die Nacht fangt an,  
ob mer awer jetz schon schlofe kann?

Mer wälzt sich in dem Bett, mer dreht sich rum,  
bis endlich doch de Sandmann vorbei is kumm.  
Geger Morjet, wann mer schlofe kennt,  
muss mer aus de Fedre, doch mer ment:

Es kummt e anre Owet, vielleicht a Reen.  
Un wann mer dann zu Bett will gehen,  
is kiehl die Luft – doch all des war,  
was ment der dann – e Summertraam!

## Scheeprich

Ich sin so scheeprich heit, es is stark heiss,  
de Schwees der rinnt, doch ich die Zähnt zammbeiss.  
Es is halt Summer un mer schwitzt sich aus,  
am beschte is, mer huckt im kiehle Haus.

Ich muss dran denke, wie des frieher war,  
die Leit han schwer gearweit ufm Hottar.  
E Kriechl Wasser war derbei, a Brot un Speck,  
so war des in der Heed un uf der Heck.

Morjets frieh schun sin se ausm Haus  
un ware bis am Owet dorte drauß.  
Die Reihe ware lang, sie han sich abgeploot,  
zur Ruh im Summer sin se kumm recht spot.

Es Wort Stress, des hat mer domols nit gekennt.  
Mer war oft mied un hat gement:  
Wann mer sich sunntachs ausruhe tut,  
fangt die Wuch am Montach an mit frischem Mut.

Im Summer war nit vill zu feire, nee...  
Mer hat gewart, bis die Fechsung ufm Tenn gelee.  
De Rambach, wann der im Keller hat gegärt, ja Leit  
dann is kumm for Jung un Alt die Kerweizeit.